



Em Allerdurchleuchtigsten Gross-

mechftigsten vnd vnüberwindlichsten Fürsten vnd Herren/
Herren Maximiliano dem andern erweltem Römischem
Kaiser zu allen Zeiten mehrer des Reichs in Germanien/
auch zu Hungern/ Böhmen/ Dalmatien/ Croatia/ vnd
Schlauonien ic. Königen Erzherzogen zu Österreich/ Her-
zogen zu Burgund/ Steyer/ Kernten/ Crain/ vnd Wurtem-
berg ic. Graue zu Tyrol ic. meinem allergnigesten Herrn.



PER durchleuchtigster Grossmechftigster vnüberwind-
lichster Römischer Kaiser/ aller gnedigster Herr. Als ewer Röm: Kay:
May: mich nun ein gute zeit hero/ wievol als ein unvirdigen zu manch-
erley wercken vnd arbeiten/ für einen Werckman vnd Goldtschmidt/
vor andern allergnigest gebraucht vnd befürdert/ mich auch vmb mein
geringfügige jedoch meinem verstand vñ vermögen nach getrewe arbeit/
(welchs ich mich vmb dieselb ewer Röm: Kay: May: die zeyt meins lebens aller unterthenigkeit
vnd willigkeit zuuordnen schuldig erkenne) allergnigest bedacht/ hab ich neben solcher Ewer
Kay: May: mir afferlegten/ auch anderer arbeit/ biszweilen vmb ergetzligkeit vnd erquickung
willen meines gemüts/ eine sehr liebliche vnd holdselige Kunst (welch von den Gelerten Optica
vnd sonst gemainlich die Perspectua genent wird) inn wesenlichen gebrauch vnd vbung gehabt/
vnd daran mein vbrigzezt vnd swyl angewendet/ vnd dieselbig damit hinbracht/ mit welcher
ich auch zuuorn vnd bisz doher/ neben andern ehlichen guten Kunsten als die mir zu meinem
Beruff insonderheit fügsam/ ersprieslich vnd fürträglich gewesen) ob den 40. jarn lang vmb-
gangen bin/ Und wievol ich eine solche lange zeit über in berürter Kunst/ durch schwere lang-
weylige weg gefüret/ dadurch ich offtermals verdrossen vnd müd worden/ nichts deste weniger
hat mich smerdar/ die grosse begirde/guter lust vnd naigung so ich zu derselbigen Kunst so lange
zeit getragen/ dabey vnablessig erhalten/ bisz ich endlich zu lezt/ vnd allererst jetzt/ in meinem
Gott lob hohen alter vnd durch gottes gnad vnd segen/ zu einem solchem fruchbarn/nutzlichen/
auch gewissen vnd leychtem wege/ vnd Inuention komen bin/ Darob ich ein gutes volkomens be-
nügen/ auch ein sondere erlenchterung meiner gehabten vielfeltigen mühe erlangt/ vnd hab der-
s wegen bester vnd getrewer wolmainung nit unterlassen können/ von angeregter Kunst vnd meis-
nem darin angewendtem fleiß vnd arbeit ein kleine anzeigung an tag zu geben/ vnd für die au-
gen zustellen/ vnd ob wol dieselbig mein arbeit viel zu gering/ sonderlich aber der wirdigkeit vñnd
anschens nicht ist/ dieselbig für ewer Röm: Kay: May: höchent zubringen/ die weyl aber ich zu
vorn wie obgemelt/ als ein geringer vnd unvirdiger Werckman vnd arbeiter/ von ewer Kay:
May: mehrmals allergnigest befürdert vñnd gebraucht worden. Zuorderst aber ewer Kay:
May: hochleuchtter verstand/ lieb vnd naigung/ die sie zu allerhandt löblichen guten Inuenti-
onen vnd Künsten tragen/ meniglich vnd mir insonderheit bewußt ist/ zu dem das dise meine
Perspectif unter ewer Röm: Kay: May: hochlöblichsten regierung/ von mir erfunden vnd an

a ij tag